

B. Cakes (cakes)

التهاردة عيد ميلاد ليليانا، وعزمت كل أصحابها عشان يحتفلوا! وعشان تخلي الحفلة مميزة، ناولية تقدم كذا كيككة، وكل واحدة متزينة بإضافات مختلفة (toppings) زي الفراولة، أو اللوز، أو الشوكولاتة. ليليانا عندها N أنواع من الإضافات، وعندها a_i قطعة من الإضافة i .

حلاوة الكيككة (أو ال tastiness) بتحدد بعدد المرات اللي بتظهر فيها أكثر إضافة متكررة عليها. على سبيل المثال:

- كيككة عليها الإضافات $\{1, 1, 2, 2, 2\}$ حلاوتها هتبقى 3، عشان الإضافة 2 ظهرت ثلاث مرات.
- كيككة عليها الإضافات $\{0, 0, 1, 1, 2\}$ حلاوتها هتبقى 2، عشان الإضافتين 0 و 1 ظهورا مرتين ومفیش أي إضافة ظهرت أكثر من كده.

ليليانا عايزة تعمل كذا كيككة لهم نفس الحلاوة وفي نفس الوقت تستخدم كل الإضافات من غير ما يتبقى حاجة. هي لسه مقررتش هتعمل كام كيككة. هي بتفكر في Q سيناريوهات، كل سيناريو بيحدد عدد معين من الكيككات، K_j . لكل سيناريو، حدد هل ينفع توزع كل الإضافات بتاعتها عشان تعمل K_j كيككات بالطبط، كلهم لهم نفس الحلاوة. الكيككات ممكن يكون عليها كميات مختلفة من الإضافات، بس كل كيككة لازم يتحط عليها إضافة واحدة على الأقل. خد بالك إن الكيككات المختلفة ممكن يكون عليها عدد مختلف من أنواع الإضافات.

Input

أول سطر في الدخول فيه رقمين صحيحين N و Q ، بيمثلوا عدد أنواع الإضافات وعدد السيناريوهات. السطر الثاني فيه N أرقام صحيحة، a_0, a_1, \dots, a_{N-1} ، بحيث a_i بتمثل عدد القطع من الإضافة i . ال Q سطور اللي بعد كده كل واحد فيهم فيه رقم صحيح واحد، K_j ، بيحدد عدد الكيككات للسيناريو j .

Output

اطبع Q سطور. السطر رقم j لازم يكون فيه YES لو ينفع توزع كل الإضافات على K_j كيككات بالطبط لهم نفس الحلاوة، و NO لو مينفعش.

Constraints

- $1 \leq N, Q \leq 100\,000$
- $1 \leq a_i \leq 100\,000$
- $1 \leq K_j \leq 10^{18}$

Scoring

الكود بتاعك هيتختبر على كذا test case متقسمين لـ subtasks. عشان تاخذ السكور بتاع أي subtask، لازم تحل كل ال tests اللي جواه صح.

- المهمة الفرعية 0 [0 نقاط]: الأمثلة.
- المهمة الفرعية 1 [9 نقاط]: $N = 1$.
- المهمة الفرعية 2 [22 نقاط]: $Q = 1$ و $K_j = 2$.
- المهمة الفرعية 3 [24 نقاط]: $Q \leq 5$ و $N \leq 1000$ و $a_i \leq 1000$.
- المهمة الفرعية 4 [24 نقاط]: $Q \leq 5$.
- المهمة الفرعية 5 [21 نقاط]: مفیش شروط إضافية.

أمثلة للإدخال/الإخراج

stdin	stdout
4 5	YES
2 5 1 1	NO
1	YES
2	NO
3	YES
4	
5	

stdin	stdout
1 1 4 2	YES
5 3 1 1 1 1 1 1 10000000000000000000 5	YES NO YES

في المثال الأول، ليليانا معها أربع أنواع من الإضافات: إضافتين من النوع 0 (متوضحة بمثلثات خضراء)، وخمس إضافات من النوع 1 (متوضحة بنجوم صفراء)، وإضافة واحدة من النوع 2 (متوضحة بدائرة برتقالي)، وإضافة واحدة من النوع 3 (متوضحة بمربع أزرق).

لو $K = 1$ ، ليليانا تقدر تعمل كيككة واحدة حلاوتها 5، بإنها تحط كل الإضافات على كيككة واحدة بالشكل ده:

- كيككة 1: $\{0, 0, 1, 1, 1, 1, 1, 2, 3\}$ (الإضافة 1 ظهرت خمس مرات).



شكل 1: توزيع كمثال لو $K = 1$.

لو $K = 2$ ، مستحيل على ليليانا إنها توزع كل الإضافات بتاعتها عشان تعمل كيككتين ليه نفس الحلاوة.

لو $K = 3$ ، ليليانا تقدر تعمل 3 كيككات، كل واحدة حلاوتها 2، بإنها توزع الإضافات بالشكل ده:

- كيككة 1: $\{0, 0, 1\}$ (الإضافة 0 ظهرت مرتين).
- كيككة 2: $\{1, 1, 2\}$ (الإضافة 1 ظهرت مرتين).
- كيككة 3: $\{1, 1, 3\}$ (الإضافة 1 ظهرت مرتين).



شكل 2: توزيع كمثال لو $K = 3$.

لو $K = 4$ ، مستحيل على ليليانا إنها توزع كل الإضافات بتاعتها عشان تعمل أربع كيككات ليه نفس الحلاوة.

لو $K = 5$ ، ليليانا تقدر تعمل خمس كيككات، كل واحدة حلاوتها 1، بإنها توزع الإضافات بالشكل ده:

- كيككة 1: $\{0, 1\}$ (الإضافات 0 و 1 كل واحدة ظهرت مرة).
- كيككة 2: $\{0, 1\}$ (الإضافات 0 و 1 كل واحدة ظهرت مرة).
- كيككة 3: $\{1\}$ (الإضافة 1 ظهرت مرة).
- كيككة 4: $\{1, 2\}$ (الإضافات 1 و 2 كل واحدة ظهرت مرة).
- كيككة 5: $\{1, 3\}$ (الإضافات 1 و 3 كل واحدة ظهرت مرة).



شكل 3: توزيع كمثال لو $K = 5$.